



Sepheo sa sehlooho sa letlole la ho bea meja fatshe ke ho o fa mohlodi wa lekeno ha o se o le pensheneng. Le ha ho le jwalo, diketekete tsa batho ba hula dipolokelo tsa bona pele ho nako, mme ba bake hore ho be le kgonahalo ya ho bea bokamoso ba ditjhelete tsa bona tsietsing. Hantlentle, ke tjehelete e ka bang **R78 biliyone** e lekanyetswang hore e tla ntshwa sistiming ya penshene selemo ka seng.

Sena ke se etsahalang ha nako e ntse e tsamaya: Hobane batho ba dula ba hula tjehelete ya dipolokelo tsa bona tsa penshene nako le nako ha ba tjhentjha mesebetsi, **ke ba ka etsang 10% feela ho ditho tsa letlole ba ka kgonang ho iphedisa ka tsela eo ba neng ba e tlwaetse kamora ho bea meja fatshe.** Kgele! – ena ke peresente e tlase haholo!

Empa Sistimi ya Penshene ya Dipitsa-tse-Pedi e hlophisitswe hore e fetole sena. **Ho tloha ka la 1 Loetse 2024, letsatsi le hlahisitsweng la ho kenya tshebetsong** sistimi ena e ntjha, dinyehelo tsa hao tsa letleng la penshene tsa nako e tlang di tla arolwa ka tsela e latelang:

- Khomponente ya Dipolokelo
- Khomponente ya Ho bea Meja Fatshe, le
- Khomponente ya Vested (dipolokelo tse seng di le teng tsa ho bea meja fatshe)

Tlelika mona bakeng sa boikgopotso bo felletseng mabapi le dikhomponente tsena tse tharo.

Ha re shebeng mehlala e mmedi ka tlase mona

Lunga

Lunga o dilemo di 30 mme o na le R50 000 ho dipolokelo tsa hae tsa ho bea meja fatshe. Ka la 31 Phato 2024, 10% ya dipolokelo tsa hae tsa ho bea meja fatshe (R5 000) e tla fetisetswa ho Khomponente ya hae ya Dipolokelo e le balanse e bulang/qalang. Sena se tla mo siya ka R45 000 ka hara Khomponente ya hae ya Vested.



Ha Pitsa tse Pedi di kenngwa tshebetsong, Lunga a ka etsa tse latelang ka R5 000 e ka hara Khomponente ya hae ya Dipolokelo:

- A e ntshe – e tla lefiswa lekgetho. Hape o tla lefiswa tefo ya phapanyetsano bakeng sa kgulo eo ho akaretsa ditjeho tsa tsamaiso.
- A ka e tlohela hore e tswelle pele ho hola. A ka e fumana ha nngwe ka selemo sa lekgetho bakeng sa mabaka a tshohanyetso nakong e tlang.
- A ka qoba ho e hula ho fihlela nako ya ho bea meja fatshe. Ka nako eo a ka nna a kgetha ho e fumana e le sekolokoto (e tla lefiswa lekgetho) kapa a e kenyeletsa ho Khomponente ya hae ya ho Bea Meja Fatshe bakeng sa ho reka penshene.

Ha Lunga a fihla dilemong tsa ho bea meja fatshe, a ka:

- Sebedisa tjehelete kaofela ya Dikhomponente tse tharo ho reka penshene.
- A nka e tjehelete e nngwe kapa yohle e ho Khomponente ya Dipolokelo e le sekolokoto (e tla lefiswa lekgetho) mme a sebedisa Khomponente ya ho Bea Meja Fatshe ho reka penshene
- Haeba tjehelete ya hae e ho Khomponente ya Vested e lokelang ho etswa anyuithi mmoho le Khomponente ya hae ya ho Bea Meja Fatshe e le ka tlase ho R165 000, a ka nna a ntsha tjehelete yohle.

Lee-Anne

Lee-Anne o na le dilemo tse 40. Hajwale o na le R150 000 ho dipolokeo tsa ho bea meja fatshe.



O tjhentjha mesebetsi ka Phupu 2024 mme o hula dipolokelo tsa hae tsohle tsa ho bea meja fatshe. Jwale o lokelaho qala qalong ho boloka tjehelete.

Ka la 1 Loetse 2024, o na le R4 000 kahara dipolokelo tsa hae sa ho bea meja fatshe. 10% ya tjehelete ena e leng (R400) e tla fetisetswa ho Khomponente ya Dipolokelo tsa hae ka la 31 Phato 2024.

Lee-Anne o batla ho hula tjehelete Khomponenteng ya Dipolokelo tsa hae bakeng sa maemo a tshohanyetso ka Loetse 2024. A keke a kgona ho etsa jwalo hobane tjehelete e tlaselase e lokelang ho ntshuwa ke R2 000, mme balanse ya hae e ka tlase (R400).

Ka Tshitwe 2024, Lee-Anne o ba le maemo a tshohanyetso. Balanse e ka Khomponenteng ya Dipolokelo jwale ke R2 400 mme o hula R2 400 Khomponenteng ya Dipolokelo ya hae. Le ha ho le jwalo, ka tlasa Dipitsa-tse-Pedi, tjehelete eo Lee-Anne a tlang ho e fumana kamora ho huliwa ha lekgetho le ditefiso tsa tsamaiso e ka nna ya eba ka tlase ho R2 400. A keke a kgona ho etsa kgulo e nngwe ho fihlela selemong se latelang sa lekgetho, ke hore, ho tloha ka la 1 Tlhakubele 2025.

Lee-Anne o kadima ho bokamoso ba hae. Ho hula ho Khomponente ya Dipolokelo tsa hae ho bolela hore o tla fumana tjehelete e fokotsehileng (mmoho le kgolo ya yona) e le sekolokoto ha a bea meja fatshe.

Mabaka a 3 ao ka ona re kgothaletsang ka matla hore o behelle ka pele dipolokelo tsa hao tsa ho bea meja fatshe:

01

Dula o bolokile tsela ya hao ya ho phela

Ha ho kgonahale hore Tjhelete ya Batsofe (eo hajwale e leng R2 180) e tla lekana ho lefella ditjeho tsohle tsa hao ha o se o le pensheneng. O tla hloka lekeno le leng hape hore o tle o phele ka boiketlo le hore o boloke mokgwa le boemo ba bophelo tseo o di tlwaetseng.

02

Matsete a maholo ka ho fetisisa

Dipolokelo tsa letlole la ho bea meja fatshe le bolelwa e le le leng la matsete a matle ka ho fetisisa ao o ka a etsang – di lokela ho hola mmoho le dipolelo tsa matsete ha nako e ntse e tsamaya, sena se bolela hore ha o tsetela dipolokelo nako e telele, o tla fumana kgolo e ngata!

03

Batho ba phela nako e telele

Ho bea meja fatshe ke karolo ya bophelo e ka nngwe nako e ka bang dilemo tse 30! Re keke ra thabela hore o phele nako e telele ho feta dipolokelo tsa hao tsa penshene.

O SE KE WA LEBAA HO INGODISA DIKANALENG TSA RONA TSA DIJITHALE

Re batla ho etsa hore dikgulo tsa dijithale tsa ditheime di be ka mokgwa o potlakileng kamoo ho ka kgonehang ka teng. Ho re thusa ho etsa sena, ka kopo nnetefatsa hore re ba le tlhahisoleding ya hao e nepahetseng ya ho ikopanya le wena.

O ka ntjhafatsa tlhahisoleding ya hao ya boikopanyo ka:

- » Old Mutual App (e fumanehang ho [Android](#) le [iOS](#)), kapa
- » [Secure Services](#) ([tlanya mona](#) bakeng sa tataiso e felletseng ya boingodiso)



Ho fihlella SuperFund ho WhatsApp, sekana khoutu ya QR ka ho le letshehadi kapa boloka 0860 933 333 founong ya hao. Jwale, romela "Hi" ho WhatsApp.

Ithute haholwanyane ka Dipitsa-tse-Pedi ka ho etela www.oldmutual.co.za/two-pot-retirement-system

Bala ditaba tsa rona tsa Pitsa-tse-Pedi ka puo ya hao:

[English](#) | [IsiXhosa](#) | [IsiZulu](#) | [Sesotho](#) | [Sepedi](#) | [Afrikaans](#)